

17
I. A. D. O. M.

DISSERTATIO ACADEMICA,
CONTINENS DISQUISITIONEM:
AN PRINCIPIA MORALIA EX
CONSENSU AC MORIBUS GEN-
TIUM SINT REPETENDA?

QUAM
CONSENSU AMPL. FACULT. PHILOS.
IN REG. ACAD. ÅBOËNSI,
PRÆSIDE
MAG. JOHANNE BILMARK,
HISTOR. AC PHIL. PRACT. PROFESSORE REG. ET ORD.
PRO GRADU
PUBLICO EXAMINI MODESTE SUBMITTIT
ERICUS WIKSTRÖM,
SUDELMANNUS,
IN AUDITORIO MAJORI
DIE XV JUNII ANNO MDCCCLXXXVI,
HORIS ANTE MERIDIEM SOLITIS.

ABOÆ TYPIS FRENCKELLIANIS.



PRÆFATIO.

Sicut in demonstranda Summi Numinis existentia argumentis variis generis, utpote Metaphysicis, Physicis atque Historicis uti soleat Eruditii, quorum nonnulli magnam probandi vim inesse putant effato veterum quorundam Philosophorum (*a*) asseverantium, nullam esse gentem, quæ non aliquod agnoscat Numen; ita quoque Juris Naturalis Interpretes principia Moralia partim ex dictaminibus nostræ rationis, actionum humanarum cum perfectionibus Divinis vel convenientiam vel pugnam perspicientis, partim ex consensu ac moribus gentium repetunt, adeo ut id sit Juris Naturalis, in quo convenienter seu consentienter gentes omnes. Hinc etiam Illustris GROTIUS: *Esse aliquid Juris Naturalis probari solet tum ab eo, quod prius est, tum ab eo, quod posterius.* Quarum probandi rationum illa subtilior est, *hæc popularior.* A priori, si ostendatur rei alicujus convenientia aut inconvenientia necessaria cum natura rationali ac sociali: a posteriori vero, si non certissima fide, certe probabiliter admodum juris Naturalis esse colligitur id, quod apud omnes gentes, aut moratores omnes tale esse creditur (*b*). Cui op-

pinioni robur additurus in medium producit testimonia veterum tam Græcorum, quam Latinorum Scriptorum, pro veritatis argumento habentium, aliquid omnibus videri & speciatim consensionem omnium gentium jus Naturæ putantium. Quare etiam jus Naturæ appellantur Jus Gentium, vocabulum hoc late ad eo fumentes, ut esset complexus officiorum, quæ homines ex communi omnium gentium opinione præstare deberent. Missa autem priori methodo præcepta Juris Naturalis cognoscendi, cuius præstantia per se elucet, in hac dispiciemus opella, quanta vis in principiis Moralibus constituendis sit tribuenda consensui gentium vel omnium, vel saltem moratorum; Benevolum Lectorem quo par est, verborum honore rogantes, velit juveniles nostros conatus pro sua humilitate meliorem in partem interpretari.

(a) Vid. *Auctores citatos a BUDDEO in Theolog. Dogmat. p. m. 267.* (b) Vid. *Libr. I. de Jure belli & pacis C. I. §. 12.*

§. I.

In moralitatem consensus Gentium, ex quo quaestio[n]nis, in dissertationis nostræ rubro propositæ, pendet resolutio, nunc inquisituri, statim observamus, quod regia eademque genuina ad veritatis cognitionem perveniendi via sit illa, quæ ad eam nos dicit per evidencia ac legitimo inter se modo connexa principia. Quum itaque singulis hominibus easdem facultates

veritatem rerum indagandi & detegendi Supremum
 concesserit Numen, si easdem æqualiter omnes excollerent, exultisque pari uterentur cura, plurimorum,
 si omnium forte defuerit, consensus pro firmo admodum veritatis criterio esset habendus; haud aliter, ac
 in rebus naturalibus vires pluriam unitæ multum valent. Enimvero quum multiplex doceat experientia,
 quod non singuli tantum homines, sed ingens subinde horum numerus, factorum, quæ simplicem modo sensuum externorum postulant usum, relationes & a se invicem diversas & rei veritati contrarias, non quidem ex proposito nugas aliis vendendi, sed potius ex quadam animi levitate in medium attulerint, credo, quod suis affectibus vel imaginationi nimium forte excitatae plus justo tribuentes, ne visa quidem pro competentis habuerint; quanto igitur magis fiet, ut in rebus intellectualibus per judicij imbecillitatem ali, alii per inveteratum habitum id verum & æquum censeant, cuius genuinam sufficienter non cognoverunt indolem? Immo quum improborum atque imperitorum omni ævo major fuerit numerus, quam proborum ac prudentium; evidens est, quod Gentium in idem placitum consensus seu opinionum harmonia non conficiat probationem, quæ omnem excludat oppositi metum, aut regulas efficiat, in vitæ tenore salva observandas conscientia. Profecto si plurimarum gentium consensus demonstrationi æquivalereret, simul foret admittendum, Idololatriam ac Polytheismum, quibus plurimæ per

per orbem Nationes tenaciter adhaerent, cultum esse non adeo absolum, qualis ille in se est, ac nostræ obvenit rationi.

§. II.

Quoniam in unum convenire locum gentes non potuerunt omnes, nec senatus cuiusdam Gentium mentionem facit Historia; facile patet, universalia nulla dari plebiscita, sed Gentium consensum, ex quo principia moralia colligere nonnulli annituntur, ex moribus atque consuetudinibus, seu ex illis regulis, quas in communi vita observare deprehenduntur Nationes, esse dijudicandum. Enimvero experientia adfatum docet, quod consuetudinibus introducendis occasionem præbuerint regionum climata, Nationum instituta, diversi cognitionum gradus, varia vicissitudinum genera, aliaeque res circumstantes, & prout haec vel illa momenta in variis prævaluerunt gentibus, harum etiam opiniones de moralitate actionum extiterint diversæ, factumque non raro, ut una eademque Natione certis actionibus diversas temporibus tulerit sententias. Fuerunt quidem nonnulli, qui characterem cuiuslibet Nationis esse immutabilem statuerunt; tanto minus autem, ut nobis videtur, audiendi, quum homines, Nationem constituentes, & qua animalium & qua corpus pro diversitate ætatum & institutorum, nec non commodioris vel asperioris fortis suam mutare soleant indolem. Et quamvis gentes forte o-

mnes in generalibus Juris Naturalis præceptis quæthesin consentiant, noto tamen est notius, quod in horum applicatione, seu quæ hypothesin, toto nonnunquam aberrent cælo. Unde consequitur, eos, qui consensum gentium, seu quod eodem redit, earum mores ac consuetudines, ut principia proponunt Moralia, normam actionum humanarum, regula quavis Lesbia incertiorem, & quæ proinde homines in virtutis exercitio non adjuvarentur, sed nimium quantum confunderentur, tradere. Bene omnino in hanc rem ita differit JOH. SELDENUS: *Nec perperam minus aut minus frustra sic rem aggredieretur sive Philosophus sive Juris consultus, quam Medicus ficeret, qui sive sanitati tuendæ, sive morbis curandis quænam essent conducibilia, edocerurus, sive e vulgarî hominum vici, sive e solennibus epularum lautiis discenda ea præscriberet; ut illuc habetur ratio gustus, luxus, pompæ; non pariter sanitatis, tutelæ aut curationis, quarum altera a cibis, altera ex medicamentis ex natura sui, nec cupedinarii aut coqui arte congruis speranda est; ita in gentium complurium moribus atque institutis non tam Naturalis Juris simplicitas, quam ipsarum utilitas spectari est solita.* At non raro - - - - sidera terra - - - Ut distant & flamma mari, sic utile Rectio, ut apud Lucanum Poëtinus. Personam enim Naturæ consuetudo sapientius induit, & eo usque larva fallit, ut quod ex ea tantum apud Gentes introductum obtinet, pro Naturali ac universalí hominum Jure subinde sumatur (a). Addo, quod si ex Gentium

con-

consensu principia moralia forent colligenda, actionum quarumvis humanarum daretur præscriptio; quam vero præsumptionem in præjudicium tam rationis nostræ, quam virtutum vergere, non e longinquo quisque videt. Potius igitur dicendum, quod Gentium consensus demonstrationem non efficiat moralem, sed subindicit tantum, quæ principia moralia gentes agnoverint. Enimvero sicut probationes, quæ experientia nituntur, tamdiu solummodo valent, quamdiu nullum in contrariam afferri potest partem exemplum; ita probationibus, quæ ex gentium pendent consensu, multum decedit roboris, si idem non fuerit universalis; quamvis veritas rei in se nihilominus maneat salva, ex alio autem magis domestico principio in aprico collocanda.

(a) Vid. *Ejusd. Libr. I. de Jure Nat. & Gent. ad Discipl. Ebræor. Cap. 6.*

§. III.

Cæterum cum de eo disquiritur: an principia moralia ex consensu ac moribus Gentium cognoscantur? fatis apparet, quod de gentibus triplici modo inititiui possit sermo: aut enim omnes in universum populi sunt in isthoc consulendi negotio, aut illi tantum, quorum habemus notitiam, aut denique moratores, quorum testimonia sufficere GROTIUS videntur, causam heic dicent. Primum quidem perfecta postulare videtur induc^{tio}, quæ in isthoc capite tanto magis est

ne-

necessaria, quod præcepta Juris Naturalis omnes o-
mnia homines concernant. Erimvero nisi humanæ
fagacitati plus justo tribuamus, utique erit præsumen-
dum, omnes in globo nostro Nationes, nec qua no-
mina, nedum qua mores atque opiniones nobis adhuc
esse cognitas, adeoque universalem Gentium consen-
sum hoc usque fuisse impossibilem. Sed inter notas et
jam gentes multæ adhuc reperiuntur, quarum opinio-
nes respectu moralitatis actionum humanarum inda-
gare non potuimus, propterea quod peregrinas Na-
tiones in suam admittere familiaritatem reformident:
de aliis autem, notioribus constat, quod bonas & ma-
las actiones non ex harum ad jus Naturæ habitu, sed
ex jure quodam præscriptionis æstimare soleant. In
cujus rei probationem quum plura afferri possent ex-
empla, nos, brevitiati litantes, unicum impræsentia-
rum afferemus, quod memoriæ prodit HERODOTUS:
Scilicet Persarum Rex Darius accitos Graecos, qui in sua
ditione erant, percontatur, quanta pecunia vellent defun-
ctis parentibus, juxta Indorum quorundam morem, vesci?
Hi negabant, se ulla pecunia ad hoc posse induci. Ro-
gavit deinde pariter Indos: quantum acciperent, ut pa-
tres defunctos ipsi juxta Graecorum morem comburerent?
nec postea comederent? Qui vehementer reclamantes, me-
liora ipsum ominari jubebant (a). Uterque enim hic
populus mores suos æquitati consentaneos esse cen-
suit; quare eisdem contrarios ut pietati naturali ad-
versos & abominandos detestabatur. Valet enim heic
effa-

essatum SENECE: *Inter caussas malorum nostrorum est, quod vivimus ad exempla, nec ratione componimur, sed consuetudine abducimur.* Et paucis interjectis: *Re*ci* apud nos locum tenet error, ubi publicus est factus (b).*

(a) Vid. *Libr. qui Thalia inscribitur p. m. 110.* (b)
Vid. *Epi*st.* CXXIII.*

§. IV.

Quoniam itaque Gentium, generatim spectatarum, opiniones de moralitate actionum humanarum sibi nequaquam constant; ad du^{ctum} Illustr. GROTI contenderunt nonnulli Eruditⁱ, moratores tantummodo Gentes esse consulendas, & id pro Jure Naturæ habendum, quod his probatum fuisse comperimus. Quamvis autem consensus hoc obtentus modo non sit universalis, sed admodum particularis, minus proinde idoneus probandis officiis, quæ singulis præstanta incumbunt hominibus; remanet tamen, admissa etiam ista hypothesi, difficultas haud exigua determinandi gentes, inter moratores habendas; quum vix ulla sit adeo barbara, quæ non agnoscat quædam principia moralia, aut quæ non quasdam exerceat virtutes. Quare nec antiquis Græcis nec Romanis plane erit assentiendum, illis omnes sere gentes, his autem cæteras, præter Græcos, pro barbaris habentibns. Posita vero incolarum terræ in moratos atque barbaros distinctione, ad illos ex nostra quidem opinione refe-

rendæ sunt Nationes, quæ in civitates commigrarunt, imperio sese subjecerunt civili, atque insuper scholas & alia his paria fundarunt instituta, in quibus cives erudiri & ad humanitatem formari possunt, cæteris ad barbarorum classem spectantibus. An vero in eonfuetudinibus Gentium istarum moratarum inveniantur principia moralia, dubium adhuc est; & sic judicat etiam quidam ex recentioribus: *On ne doit chercher des maximes réglés pour la conduite, & des principes suivis pour la morale, que parmi les sociétés policiées.* Et paucis interjectis: *Il est mal aisé d'expliquer des motifs, qui ont fait adopter aux premières sociétés quantité d'usages, qui paroissent choquer ouvertement le bon sens & la raison. Ils semblent n'avoir été dictés que par le caprice & par l'incertitude de l'imagination.* Aussi les mœurs sont elles la partie dans laquelle les peuples, même ceux qui passent pour les mieux policiés, different le plus sensiblement. *On voit alternativement le même usage, la même règle de conduite approuvée dans un pays & condamné dans un autre &c. (a).*

(a) Vid. *L'Origine des Loix, des mœurs & des sciences* Tom. II. p. m. 298, 299.

§. V.

Si in sententiæ nostræ illustrationem annales gentium quarundam, inter moratores omnino habendarum, simulque antiquissimarum, quoniam multis est persuasum, homines quo origini generis nostri propio-

piores, eo etiam integriores fuisse, evolvamus, plura
vitiorum, quam virtutum sine operosa indagine apud
illas inveniemus indicia. Inter has autem Nationes
primo ponendus est loco populus Israëliticus, quem
præ cæteris in peculium sibi elegerat Deus, nec non
statuta ac jura sua ei commiserat, qui tamen benefi-
ciorum, sibi a Supremo Numine præstitorum, plane
immemor, mores vicinarum gentium, quantumvis ne-
farios, libentius æmulabatur, quam ad legem Divi-
nam fese componebat. Testatur Historia gentis, quod
ipsa in Idololatriam ac Polytheismum propenderet, &
quod humanas victimas fictis offerre numinibus haud
dubitaret. His meliora sentientes, cardinem cultus
Divini in observantia ceremoniarum verti, & sibi &
populo persuaserunt. Officia, parentibus debita, adeo
neglexerunt, ut necessaria vitæ præsidia afflicti vitæ
suæ auctoribus vario sub prætextu leviter subtrahe-
rent. Injurias acceptas sive veras, sive opinione sua
tales gravissime ulciscebantur, nec commotam sedare
bilem potuit vel sacramentorum religio vel consanguini-
tatis vinculum. Polygamiam sibi permiserunt, nec
illicitum putarunt multi in hoc populo, plures habere
concubinas. Cæteras denique Nationes, ut totidem
fungos ac stipites præ se contemnebant Hebrei, nul-
lam eum his officiorum commutationem sibi injunctam
censentes; philanthropiae adeo immemores, ut in de-
victos populos horrenda prorsus trunculentia fævirent.
Patet vel hinc, quod quisquis ex veterum Hebræo-

xum consuetudinibus, non ex sentiis populi, sed ex hominibus inter eos illustribus de promis, principia repeteret vellet moralia, Jus Naturæ formaret, ab eo, quod Deus nobis indulxit, plane diversum.

§. VI.

Sicut solum per Ægyptum est fertilissimum, quod sine multo incolarum labore omne genus frumentorum ac fructuum non ad necessitatem modo, sed ad voluptatem plerumque fundit; ita etiam ex facili hac vitam sustentandi ratione mitior facta est populi indoles, civesque scientiis colendis se se mature tradiderunt, quare Ægyptus eruditio nis quasi acropolis olim fuit habita. Celebrantur quidem Ægyptii ob liberorum educationem, sed si fides Historicis habenda, majorem corporum, quam animorum habuisse curam videntur (a). In legibus eorum civilibus multa æquitatis occurunt indicia, sed nec pauca iniuriam sapiunt. Mirari convenit, gentem adeo perspicacem, superstitionis præstigiis ita fuisse devotam, ut animalia tam fera, quam domestica, eeu totidem veneraretur Numinis, Deo proinde cœli terræque Creatori cultum non præstans debitum. Immo quum cultus animalium per totam Ægyptum non esset uniformis, sed singulæ provinciæ diversas colerent animantes, hinc somes mutui inter cives odii exstitit, tanto gravioris, quod ex principiis religionis suam repeteret originem. Augebatur malum hoc exinde, quod quibusdam civi-

um

um conditionibus macula quædam, præter fas & æquum, afflingeretur; quo siebat, ut cives, hoc tantum modo diversi, sese fere detestarentur. In matrimonii contrahendis eo minorem graduum consanguinitatis haberunt rationem Ægyptii, quod exemplum connubii fratris eum sorore inter sua numina haberent Iu-
eulentissimum (*b*). Quoties ad solemne Isidis festum in urbe Busiri celebrandum viri atque feminæ se con-
ferrent, hæ præsertim nullum non petulantiae ac vo-
luptatum genus in itinere sese permiserunt; post sacri-
ficium verberabantur cuncti & cunctæ, multa fane ho-
minum millia; quare autem verberarentur, dicere ne-
fas sibi judicavit HERODOTUS (*c*). His addere licet,
quod cum alias præ se contemnerent Nationes, ex-
igua admodum apud eos erat fidei religio (*d*). Quam-
vis itaque præstantiae quorundam apud veteres Ægy-
ptios institutorum nihil velimus detractum; ex dictis
tamen patere arbitramur, ex consuetudinibus hujus
gentis principia moralia non nisi perversa posse repeti.

(*a*) Vid. DIODORI Sicul. Bibliotb. Hist. Lib. I. C. 80. (*b*) Scilicet Osiris in matrimonium duxerat Sororem suam Isin.

(*c*) Vid. HERODOTI Lib. II. C. 59. b. 1. (*d*) On ne fait point quelles idées les Egyptiens s'étoient formées des vices & de la vertu. On fait qu'ils ont été taxés par les anciens d'être extré-
mement intéressés & peu fidèles dans le commerce. En gé-
néral ils avoient très mauvaise réputation sur l'article de la probité. Vid. L' Origine des Loix &c. Tom. II. p. m. 365.

§. VII.

Multum tribuendum esset veterum Persarum consuetudinibus, cum memoriæ sit proditum, eorum juvenes eadem cura ad justitiae culturam fuisse deductos, qua apud alias Nationes in disciplinis instituebantur theoreticis (*a*); si modo illi, quibus educatio juventutis fuerat commissa, officii hujus numeros implere potuisserent: quominus autem hoc nobis persuadeamus, prohibet, quæ orbi tunc incubuit ignorantiae caligo. Vigit quidem circa regni auspicia exacta quædam disciplina, sed quæ unitis in unum sub CYRO I. imperium tribus potentissimis regnis per crescentem luxum in desuetudinem ita abiit, ut nepotes suis Majoribus qua mores essent valde dissimiles. Cum plerisque populis Asiaticis hoc Persæ habuerunt commune, ut in libidinem nimis propenderent; quare, prout facultates erant, plures in suis gynæceis alebant uxores. Pravitatem connubiorum incestorum ignorasse videntur Persæ; refert enim *ORIGINES: Persarum leges non arcere nec matres a filiorum, nec patres a filiarum connubio* (*b*). Qui temperantiæ primum studebant, in luxuriam deinceps ita sunt prolapsi, ut facultatem largiter portandi inter meritorum referrent insignia. Quanta fuerint inhumanitate exinde potest colligi, quod jus vitæ ac necis in suos sibi affererent liberos (*c*), atque facinoris cuiusvis gravitatem non modo ex ejus circumstantiis, sed tota delinquentis vita anteriori æstimarent & pœnas in hunc modum intenderent (*d*). Quid? Quod

Quod in societatem supplicii traherent delinquentis propinquos, etiam eos, in quos ne ulla quidem criminis suspicio caderet (e). Ex quibus apparet, quod mores Persarum principiis moralibus constituendis minime inserviant.

(a) Vid. *XENOPHONTIS Histor. Libr. I p. m. 3.* (b)

Vid. *Ejusd. Libr. V. contra Cels. p. m. 248.* (c) Vid. *ARISTOTELIS Nicomach. Libr. VIII. C. 10.* (d) Vid. *HERODOTI Libr. I. C. 37.* (e) Vid. *DANIELIS VI: 24.* & *JUSTINI Histor. Libr. X. C. III.*

§. VIII.

Sive Theognosiam veterum Græcorum, sive placita quorundam inter eos Philosophorum consideremus, fieri utroque intuitu aliter non potuit, quam ut de moralitate actionum humanarum perversas adoptarent opinions. Illa enim proponebat Deos potentes quidem, non item sanctos, sed qui talia sibi permitterent flagitia, qualia si imitari auderent mortales, gravissima hos certo certius mansissent supplicia. Ab altera vero parte Cynici & quidam Epicuri sectatores erant omnium ferre nequitiarum operatores. Quid? Quod Ethica Aristotelis multis laboret nævis (a). Ante Cecropis imperium Græci legitimum ignorasse videntur matrimonium, promiscuis sese miscentes concubitibus; & licet hic Atheniensum Rex monogamiam institueret, gradus tamen consanguinitatis in matrimoniis ineundis, præterquam inter Parentes atque liberos, pro illicitis habuerunt nullos; quare etjam ex eorum more fratribus fuit per-

permisum, forores germanas ducere uxores. Primum Legis Naturalis præceptum de aliis non hædendis adeo parum curabant Græci, ut latrocinia & piraticam in gloria ponerent (b). Erga liberos suos durissimi erant parentes, qui illos vel imbelles, vel ex nævo quodam laborantes exposuerunt, brutis ita deteriores, quæ problem infirmam non dignantur. Aliorum corrumpere uxores & eorum bona diripere, modo utrumque clanulum fieret, Lacedæmoniorum moribus permisum fuit, reusque deprehensus pœna mulctatus fuit non tam propter ipsum delictum, quam dexteritatem in eodem committendo omissam. Et quamvis mores Græcorum postmodum aliquanto mitiores sint facti, attamen ingeniosum illi censebant alios, cum quibus negotium illis intercederet, fallere; quare etiam Græca fides parum a dolo absuit. Ex quibus patet momentis, Jus consuetudinarium, a veteribus receptum Græcis, cum Juris Naturæ præceptis nihil fere habuisse commune, adeoque nec hoc ex illo esse repetendum. Sed filum dicendorum heic abrumpere non tam fuadet, quam jubet temporis angustia, qua impræsentiarum circumscribimur.

(a) Vid. *Dissertat. BUDDEI de Nævis Ethicæ Aristotelicæ.* (b) Vid. *THUCYDIDIS Libr. & N. GURTLEI Origines mundi p. m. 232.*

S. D. A. G.

